

K.Ş.S. 25 Shf : 6

Mahmiye-i Konya ahalisinden el-Hac Abdüsselam Efendi ibni Ivaz Efendi ve el-Hac Şaban ibni el-Hac Veli ve Kalaycı Bayram Halife ibni Hüseyin ve Hallac Mustafa bin Mustafa ve Kavvâf Hasan bin Şaban ve postacı Mustafa Halife ibni İlyas ve Karakayış mahallesinden el-Hac Ali Halife ibni el-Hac Himmet ve Pürçeklü mahallesinden Ivaz Halife ibni Mahmud nam kimesneler ve sairleri meclisi şer'î hatir-ı lazımt-ı tevkirde Abdülfettah Beşe ibni el-Hac Mustafa mahzarında her biri ikrar ve takrir-i kelam idüb bundan akdem menzilci el-Hac Ahmedin senesi halen tamam olup yerine bir menzilci lazım ve mühim olmağla tarih-i kitabdan bir sene tamamına dek mahmiye-i Konya'ya mürur ve ubur idüb ferman-ı humayun ile ulak bargiri taleb eden gerek beğlerbeği ye ve gerek sair ulaklara kalil ve kesir yüklü ve yüksüz bargirler virüb hıdemât-1 lazıme ve mesarîf-1 mühimme lerini görüvermek üzere üç bin ikiyüz elli gurus ücretle mezkur Abdülfettah Beşe yi menzircilik hizmetine isticar ve kadimi menzil için canib-i miriden tayin olunan dört ra's menzil bargirlerini yedine virüb teslim eyledik müddeti mezkurede menzile tayin olunan elli haneye varide olan avarız ve bedel-i nüzül ve bilcümle taallül ve ziyade taleb itmemeğe taahhüd etmişdir. didiklerinde mezkur Abdülfettah Beşe ben dahivech-i muharrer üzere menzircilik hizmetini ücret-i mezkure ile kabul ve dört ra's miri menzil bargirini ahz ve kabz idüb zikrolunan vech üzere hıdemât-1 lazıme ve mesarîf-1 mühimmesince edaya taahhüd ve iltizam eyledim didikden sonra menzilci-i sabık el-Hac Ahmed bin Abdi ve sahibata mahallesinden Çavuş Mehmed bin Süleyman ve el-Hac Osman bin Ahmed ve öylebekledi mahallesinden haffaf el-Hac Mehmed ibni el-Hac İbrahim ve Nuri Beği ibni Mehmed Beğ ve Bordabaşı mahallesinden seyyid Receb Çelebi ibni Seyyid Ali ve Topraklık mahallesinden Süleyman bin Ali ve nalband Receb bin Mehmed nam kimesneler mezkur Abdülfettah Beşenin nefsine ve eğer firar veyahut ihtifâ ederse sene temmindan hizmet-i mezkureyi kendi mallarından itmam edüb veyahut zimmetinde zuhur eden mahallât akçesinden ücretinden ziyadesini edaya kefil bil-mal ve kefil bin-nefis olduk deyüb her biri emr-u mütevellî haviye kefaletle kefil olduklarında mezbur Abdülfettah Beşe her birine kefaletle emreylediğini ikrar ve kefalet-i meşruhayı kabul itmeğın ma veka'a bit-taleb ketb olundu.

Fi gurra-i şehri Receb

Íl-ferd lisene isna ve tis'în ve elf (Receb 1092)

Fahrul-akrân el-Hac Hüsam Ağa kethüda

Hasan bin Mehmed

Ísa bin Mustafa

Es-Seyyid Mustafa Çelebi bin es-Seyyid Yusuf

Mustafa bin Ali

Mahmiye-i Konyada halen miyrâb olan ba'isül-kitâb fahrul-akrân Ahmed Ağa tarafından vech-i âti üzere davaya vekil-i şer'isi olan katib Ahmed Çelebi ibni Mehmed meclis-i şer'i hatir-i lazımt-tevkîrda mahmiye-i mezburede vaki' Hadice paşa evkafi mütevellisi Ahmed bin....mahzarında üzerine bilvekale dava ve takriri kelam idüb mahmiye-i mezbure sınırlarında vaki Hazreti mevlana ve sevh Sadreddin vakıfları gibi serbest olan evkafdan ma ada gerek vakıf ve gerekse mülk bilcümle araziden bir öşr sahib-i vakf ve sahibi mülk alub ve bir öşr mirâblar alagelmışken halen mütevellii mezbur mutasarrif olduğu vakfa araziden mirâb için öşr virmeyüb muhalefet eder sual olunsun didikde gibbes-suâl mütevellii-i mezbur cevabında vakf-1 mezbur serbest olduğuna yedimde suret-i defteri hakani vardır deyüb ibrazına istimhal itmekle üç gün imhal olunup mütevellii-i mezbur vakf-1 merkumun neşri serbestiyetini natık suret-i defter ibraz itmemekle madameki vech üzere suret-i defter ibraz itmedikçe vakfi mezburun arazisinden mirân-1 öşr virmeğe mani olmamağa tenbih-i birle ma veka'a bit-taleb ketb olundu filyevmis-samini aşera min Recebil-ferd lisene isneteyn ve tis'în ve elf Receb 1092

Abdullah ibni Ali

Dilaver bin Abdullah

Hüdaverdi bin Pir Ali

